

The Electronic *Manipulus florum*
www.manipulusflorum.com

Auaricia ab
cum fonte primo

Auarus
prius hanelat concupita
congregare et cum quasi in quodam
uentre auaricie multa congesserit satiatus arctatur,
quia dum anxiatur qualiter acquisita custodiat,
ipsa eum sua satietas angustat.

Mens auari que prius ex habundancia requiem
quesierat, postea ad custodiam grauius laborat.

Gregorius XV. moralium.

Prius quippe anhelat per auaritiam concupita
congregare; et cum quasi in quodam
uentre auariciae multa congesserit, satiatus artatur
quia dum anxiatur qualiter acquisita custodiat,
ipsa eum sua satietas angustat.

Diuitis enim cuiusdam uberes fructus ager attulerat,
sed quia ubi eos tantos reponeret non habebat, dixit:
*Quid faciam, quod non habeo
quo congregem fructus meos? Et dixit: Hoc faciam,
destruam horrea mea et maiora aedificabo.*

Qui ergo ex abundantia coangustatus dicebat:
Quid faciam? quasi multo cibo pressus aestuabat.
Pensemus quot uotis appetiit
ut uberes fructus ager illius afferret.

Ecce autem uota completa sunt
quia fructus uberes ager attulit.
Sed quia ad recondendum loca non sufficiunt,
multiplicatus diues quid faciat ignorat.

O angustia ex satietate nata!

De ubertate agri angustatur animus auari.

Dicens namque: *Quid faciam?*

profecto indicat quia uotorum suorum effectibus
pressus, sub quodam rerum fasce laborat.

Bene ergo dicitur: *Cum satiatus fuerit, artabitur.*

Quia

mens auari, quae prius ex abundantia requiem
quaesierat, post ad custodiam grauius laborat.

Gregorius Magnus, *Moralia in Iob*, 15.22 (CCSL
143A, M. Adriaen ed., pp.764-5, ll.1-20).